

§. 2. *Capitulis campanulatis.*

5. *A. AMBIGUUS*, caule ramoso subangulato glabro aut hinc indè hispidulo subnudo, foliis radicalibus oblongis basi in petiolum attenuatis subpinnatifidis lobis acutis terminali longiore, caulinis linearibus basi rigidè ciliatis, invol. campanulato hirto. \mathcal{L} patr. ign. *Crepis pinnatifida* hortul. ex Bonjean. Duabus prioribus affinis, fortè varietas? Radix non verè fusiformis, sed ferè multiplex, collo fusco subtuberoso. Caulis pars superior ramosa, ramis elongatis nudis 1-cephalis. (v. s. ex hort. Bonjean.)
6. *A. SERIOLOIDES*, caule erecto ramoso basi hispidulo cæterum glabro, foliis infer. petiolatis elongatis dentato-runcinatis utrinque hirtellis, caulinis paucis sessilibus ferè linearibus subintegris, super. glabris, invol. campanulato farinoso-tomentoso setis apice hispidulo. (2) ? in insulâ Zacintho ad vias et agros maio flor. legit cl. Margot! Affinis *A. oxyodonto* ambiguo et hispido sed involucri farinoso-tomentoso sat differre videtur. Habitus *Seriolæ*, sed pappi setæ basî non dilatatæ. (v. s. à cl. inv.)
7. *A. PINNATIFIDUS*, foliis radicalibus pinnatifidis, lobis lineari-lanceolatis cuspidatis subintegris, caulibus subnudis glabris aut hispidis, invol. sæpius hispidulis, achæniis radii brevius, disci longius rostratis. \mathcal{L} in pratis montium regni Neapolitani nempè Samnii, Apritii, Calabriae (Ten.!) et in Corsicâ (Salzm.!). *Hypochæris pinnatifida* Cyr. ined. Ten.! syll. p. 406. Poir. suppl. 4. p. 530. *Robertia pinnatifida* Spreng. syst. 3. p. 661. et *Hypochæris macrohiza* Spreng. l. c. p. 669? *Hyp. Corsica* Tausch in florâ 1829. erg. p. 36? Variat caule, foliis imò involucri glabris aut subhispidulis, foliis pinnatipartitis aut runcinatis. (v. s.)
8. *A. MACULATUS* (Scop. carn. ed. 2. n. 986), foliis radicalibus ovali-oblongis sparse pilosis subintegris aut grosse dentatis, caule subnudo pilosulo parcè brachiato-ramoso, involucri pilis rigidulis scabro, achæniis omnibus rostratis. \mathcal{L} in pratis asperis Europæ ferè totius mediæ et borealis. *Hypochæris maculata* Linn. sp. 1140. Fl. dan. t. 149. Schkuhr handb. t. 225. Heyn. arzn. gew. vr. t. 43. — Clus. hist. 2. p. 139. f. 2. Variat ut var. seqq., foliis subintegris, viridibus aut fusco maculatis. (v. v. et s.)
- β . *monocephalus*, scapo simplici 1-cephalo. — *Hypochæris maculata* β DC. fl. fr. suppl. 451, var. α . Gaud. fl. helv. 5. p. 144. — Engl. bot. t. 225. Non confundenda cum *A. Helvetico* qui invol. villosissimo gaudet. (v. v.)
- γ . *oblongifolius*, scapo simplici aut ramoso, foliis elliptico-oblongis subintegerrimis. — *H. Tyrolensis* Schiw. ined. ex Bess. in litt. (v. s.)
- δ . *microcephalus*, scapo simplici aut rariùs ramoso, foliis obovato-oblongis subintegris membranaceis, floribus paulò involucri superantibus. — in pratis sylvaticis Dahuriæ (Turcz.!) et Rossie mediæ (Stev.!). *H. maculata* Ledeb. fl. alt. 4. p. 164. (v. s.)
9. *A. HELVETICUS* (Scop. et Less. ll. cc.), foliis radicalibus oblongo-lanceolatis dentatis hirsutis, caule 1-2-folio simplici 1-cephalo hispidulo, invol. hirsutissimo, achæniis omnibus rostratis. \mathcal{L} in pratis Alpium Helvetiæ, Pedemontii, Italiæ borealis, Germaniæ in ruderatis (Reichb.). *Hypochæris Helvetica* Jacq. ic. var. t. 165. *H. uniflora* Vill. fl. dauph. 3. p. 61. t. 23. All. ped. t. 14. f. 3. Gaud. fl. helv. 5. p. 145. *H. foliosa* Vill. fl. dauph. 86. Cultus aut in solo pingui natus interdum subramosus 2-3-cephalus occurrit. (v. v. et s.)

Sect. II. OREOPHILA. — *Oreophila* Don phil. mag. 1832. apr. — *Amblachænum* Turcz. in litt. — *Hypochæris* H. B. et Kunth nov. gen. am. non Gærtn.

Achænia omnia brevissimè rostrata aut suberostrata. — Species perennes præterque Americanæ (una Dahurica.)

10. *A. AURANTIACUS*, caule hirto simplici aut rariùs parcè ramoso folioso, foliis